


宋槧太平御覽



太平御覽卷第三百六十一

人事部二

產



毛詩鴻鴈斯干日乃生男子載寢之牀載衣之裳載弄之璋乃生女子載寢之地載衣之裼載弄之瓦

又生民曰厥初生民時惟姜嫄誕彌厥月先生如達后稷

其母終人道十月而生不圻不醜無蓄無害言易也凡人在母母則病

生如達之言生易也以赫厥靈上帝不寧不康禋祀居然生子

其母橫逆人道禮記內則曰妻將生子及月辰居側室側室謂夾之夫使

人日再問之至生子夫復使人日再問之子生男子設弧

於門左女子設帨於門右弧者有事於武者也三日始負

子男射女否國君世子生告于君接以太牢三日卜士負

之射人以桑弧蓬矢六射天地四方

左傳隱公元年曰初鄭武公娶于申曰武姜生莊公及共叔段莊公寤生驚姜氏故名寤生

又襄十六年曰初宋芮司徒生女子赤而毛棄諸堤下共姬之妾取以八名之曰棄長而美

又昭十八年曰叔娶申公巫臣氏生伯石伯石始生子容之母走謁諸姑子容母叔向曰長叔姒生男姑視之及堂

聞其聲而還曰是豺狼之聲也狼子野心非是莫喪羊舌氏矣遂弗視

又昭二十九年曰公衍公爲之生也其母借出出之公衍先生公爲之母曰相與借出請相與借告留公衍母使三

日公爲生其母先以告公爲爲兄公私喜於陽穀而思於魯曰務人爲此禍也務人公爲也始與公若謀逐季氏且後生而爲兄其

誣也久矣乃黜之而以公衍爲太子

家語曰子夏問曰商聞易之生人及萬物鳥獸昆蟲各有

奇偶氣分不同而凡人莫知其情惟達道德者能原其本

焉天一地二人三三三爲九九九八十一一主日日數十

故人十月而生八九七十二偶以承奇奇主辰辰爲月月

主馬故馬十二月而生七九六十三三主斗斗主狗故狗

三月而生六九五十四四主時時主豕故豕四月而生五

九四十五五爲音音主猿故猿五月而生四九三十六六

主律律主鹿故鹿六月而生三九二十七七主星星主虎

故虎七月而生二九一十八八主風風主蟲故蟲八月而

化其餘各從其類矣鳥魚生於陰而屬於陽故皆卵生齧

吞者入竅而卵生齧嚼者九竅而胎生晝生者類父夜生

者類母敢問其皆然乎孔子曰然吾聞諸老聃亦如子之

言也

史記楚世家曰吳回生陸終陸終生六子圻騶而生焉
又曰田嬰有子四十餘人其賤妾有子名文以五月生嬰
告其母勿舉也其母竊舉生之及長因其兄弟而見其子
文於田嬰嬰怒其母曰吾令若去此子而敢生之何也文
頓首因曰君所不舉五月子者何故嬰曰五月子者長及
戶齊將不利其父母文曰人生受命於天乎受命於戶耶
嬰默然文曰必受命於天君何憂焉必受命於戶則可高
其戶耳 坐六十五十四四主和都主和都四
漢書曰高祖七年春令民產子復勿事三歲 勿事不使役也
又曰盧綰與高祖同里綰親與高祖太上皇相愛及生男
高祖綰同日生里中持羊酒賀兩家及高祖綰壯學書又
相愛也 公不同而人其收其計其
又曰武帝征伐四夷重賦於民民產子三歲則出口分錢

至於生子輒殺元帝議令民產子七歲乃出口分錢
東觀漢記曰敬隱宋后以王莽末年生遭世倉卒其母不
舉棄之南山下時天寒冬十一月再宿不死外家出過於
道南聞有兒啼聲憐之因往就視有飛鳥紆翼覆之沙石
滿其口鼻能喘心恠偉之以有神靈遂取而持歸養長至
年十三歲乃以歸宋氏
後漢書曰竇武母產武并產一蛇 武以武
又曰虞延初生上有物若一疋練遂上升天占者以為吉
魏志曰黃初六年三月魏郡太守孔羨表黎陽令程放書
言掾汝南屈雍妻王以去年十月十二日在草生男兒從
右腋生水腹下而出其母自若無他異痛今瘡已愈母子
安全無災無害也
王隱晉書曰齊王冏輔政太安元年有婦人詣大司馬門

寄產吏驅之婦人曰我截齊便去耳言畢不見識者聞而惡之至二年間謀反誅

又日程咸字延休魏郡武安人也其母夜夢白頭公授之以藥曰服此當生貴子也生咸好學有才為鍾毓主記毓弟會問有可與語吏否毓乃稱咸

孫盛晉陽秋曰魏舒詣野王適主人妻產俄聞車馬之聲問曰男女從者入反曰男也年十五以兵死又問寢者誰曰魏公舒默然謝之

干寶晉紀曰愍帝建興三年抱罕伎人產一龍子色似錦文望之如見神光在牀上少有就視者

後魏書曰太祖道武皇帝諱珪獻明皇帝之子也以建國三十四年七月七日生於參合陂北明年有榆生於埋胞之坎遂成林

前趙錄曰劉淵字元海父豹母呼延夢服日精十三月而生淵劉聰母曰張夫人十五月生聰焉

三十國春秋曰前秦蒲洪父懷歸為部落小帥其母姜氏因寢產洪驚悸而寤

又曰後涼秃髮烏孤七世祖壽闐之在孕也母夢一老父被髮左衽乘白馬謂曰尔夫雖西移終當東返至京必生貴男長為人主言終胎動而寤後因寢生壽闐被中因以秃髮為號壽闐為名

後趙書曰黎陽民妻產三男一女勒賜乳母穀帛以為休祥

崔鴻南燕錄曰慕容德號少子母公孫夫人晉咸康中晝寢生德左右以告方寤而起既生似鄭莊公曰長必有大德遂以德為名

宋書曰王敬則母為女巫常謂人云敬則生時胞衣紫色後應得鳴鼓角人笑之曰汝子得為人吹角可矣又曰王鎮惡之產也當五月五日家人欲棄之其祖猛曰昔孟嘗君如是而相齊此兒必興吾族因以鎮惡為名又曰范曄字蔚宗母如廁產之額為塼所傷故以塼為小字

北齊書曰武明婁皇后諱昭君性寬厚不妬忌高祖率眾將討西寇出師之夜后變生患切雙生子也生一男一女左右以危急請追告高祖后弗聽曰王出統大兵何得以我故輕離大軍

唐書曰幽州節度使劉濟怵之長子初母難產既產侍者初見是一大蛇黑氣勃勃莫不驚走及長頗異常童所居室焚人皆驚救濟從容而出眾異之累歷牧宰及怵為節

度濟為行軍司馬怵卒軍人習河朔舊事請濟代父為帥朝廷從之

莊子曰厲之人夜半生其子也遽取火而視之汲汲然恐其似己也

呂氏春秋曰夏后孔甲佃于東陽蒼山大風晦迷入民室主人方乳或曰后來是良日也子必大吉或曰不勝必有殃咎乃取歸曰為余子誰敢殃之子成人幕動折椽音斧破斬其足遂為守者孔子曰嗚呼有命矣

西京雜記曰王鳳五月五日生其父欲勿舉其母曰田文五月五日生父嬰勅其母勿舉母竊舉之後為孟嘗君以古事推之非不祥遂舉之

又曰霍將軍妻產二子疑所為兄弟或曰前生為兄後生為弟今雖俱日亦宜以先生者為兄或曰居上者宜為兄

居下者宜爲弟居下前生今宜以前生爲弟時雋光聞之
曰昔殷王祖甲一產二子曰囂曰良以卯生囂以巳生良
則以囂爲兄以良爲弟若以在上爲兄囂亦當爲弟矣昔
許釐公一產二女曰娥曰茂楚大夫唐勒生二子一男一
女男曰貞夫女曰瓊華皆以先生者爲長近代鄭昌時文
長倩並一生二男滕公一生二女季黎一生一男一女並
以前生者爲長霍氏亦以前生爲兄焉
玄中記曰朱梧縣其民服役依海際居產子以沙石自擁
不食米止資魚以爲生氣
又曰丈夫民殷帝大戊使王英採藥於西王母至此絕糧
不能進乃食木實衣以木皮終身無妻產子二人從背脊
閒出其父則死是爲丈夫民去玉門二萬里○外國圖曰
長人國妊六年乃生兒既長大乘雲而不還龍類也

崔玄之瀨鄉記曰李母祠在老子祠北二里祠門左有碑
文曰老子聖母李夫人碑老子者道君也始起乘白鹿下
託於李氏胞中七十二年產於楚國淮陽苦縣瀨鄉曲仁
里老子名耳星精也字伯陽號曰聃
演孔圖曰孔子母徵在遊大澤之陂睡夢黑帝使請己已
往夢交語曰汝乳必於空桑之中覺則若感生丘於空桑
中
廣志曰獠民皆七月生
帝系曰陸終娶鬼方國君之妹謂之女嬪生六子孕而不
育三年啓其母左脅二人出右脅三人出
風俗通曰生三子不舉俗說生子至於三子似六畜言其
妨父母故不舉之也謹按春秋國語越王勾踐令民生三
子者與之乳母生二子者與之餼三子力不能獨養故與

太平御覽 卷三百六十一
乳母所以人民繁息卒滅強吳雪會稽之恥行霸於中國者也古陸終氏娶于鬼方謂之女嬪是生六子皆爲諸侯今人多生三子子悉成長父母完安豈有天所孕育而害其父母兄弟者哉

又曰不舉寤生子俗說兒墮地未能開目視者謂之寤生舉寤生子妨父母謹按春秋左氏傳鄭武公娶于申曰武姜生莊公及共叔段莊公寤生驚姜氏因名寤生武公老終天年姜氏亦然安有妨其父母乎
又曰汝南周霸字翁仲爲太尉掾婦於乳舍生女自毒無男時屠婦比卧得男因相與私貸易禪錢數萬後翁仲爲北海相吏周光能見鬼署光爲主簿使還致敬於郡縣因告光曰事訖臆日與小兒俱上冢去冢經十三年不躬蒸嘗主簿微察知相先君寧息會同飲食忻娛否已往到於

冢上郎君沃酹主簿俯伏在後但見屠者弊衣蠶結倨神坐持刀割肉有五時衣帶青黑綬數人彷徨陰堂東西廂不敢來前光恠其故還至引見問之乞屏左右起造於膝前白事狀如此翁仲曰主簿出勿言因持劔上堂謂嫗汝何故殺吾子嫗大怒曰卿常言兒聲氣喜學似我老公欲死欲作狂語翁仲曰祠祭如此不具服子母立截嫗辭窮情竭泣涕具陳其故特子已年十八呼與辭決曰凡有子者欲以承先祖先祖不享血食無可奈何自以衣裘僮僕車馬送迎取其女女嫁爲賣鬻子婦後適西平李文思文思官至南陽太守翁仲更養從弟子熙爲高邑令
又曰潁川有富室兄弟同居兩婦數月皆懷妊長婦胎傷因閉匿之產期至同到乳母舍弟婦生男夜因盜取之爭訟三年州郡不能決丞相黃霸出坐殿前令卒抱兒去兩

婦各十步叱婦曰自往取之長婦抱持甚急兒大啼叫弟婦恐傷害之因乃放與而止甚悽愴長婦甚喜霸曰此弟子也責問乃伏

又曰不舉父同月子俗云妨父也按左傳桓公之子與父同月生因名子同漢明帝亦與光武同月生

神仙傳曰老子母懷之七十歲乃生時割其左腋而生生而白首故謂之老子

列仙傳曰木羽鉅鹿南祁鄉人母貧王助產嘗探兒兒生開眼視母大笑母乃驚怖仍夢見大冠赤幘者守兒見曰

此司命君也當報汝使汝子木羽得仙後生兒字木羽所探兒年十五夜有車馬迎之過呼木羽木羽為我御來遂

相隨去
列異傳曰華子魚為諸生嘗宿人門外主人婦夜生子有

兩吏來詣其門便相向僻易欲退相謂曰公在此因踟躕

良久一吏曰籍當定奈何得住乃前向子魚拜相將入出

共語曰當與幾歲一人曰當與三歲子魚後故往視之兒

果年三歲已死乃自喜曰我固當公後果為太尉續搜神記同

益部耆舊傳曰哀牢夷者其先有婦人名沙壹居于牢山

嘗捕魚於水中觸沉木若有感因懷妊十月產子男十人

後沉木化而為龍出水沙壹忽聞龍語曰若生我子今悉

何在九子見龍驚走獨小子不能走背龍而坐龍就而舐

之其母鳥語謂背為九謂坐為隆因名小子曰九隆及後

長大諸兄共推以為王

博物志曰蜀郡諸山夷名曰獠子婦人妊身七月生時必

須臨水兒生便置水中浮即養之沉便遂棄也至長皆拔

去其上齒後狗牙各一以為身飾

論衡曰黃帝二十月而生

又曰唐文伯河東蒲坂人也其生亦以夜半時適生有人從門呼其父名父出應之不見人見一木杖植其門側好善異於衆其父杖入門以示人占曰吉文伯位至廣漢太守以杖當得子之力矣
譙周法訓曰一產二子者當以後生者爲兄言其先胎也答曰此野人之鑿語耳君子不測暗安知胎之先後也
傅子曰昔燕趙之間有三男子共娶一女生四子後爭訟廷尉延壽奏云禽獸生子逐母宜以四子還母尸三男子於市
世說曰胡廣本姓黃五月生父母惡之乃置之甕投於江湖胡翁見甕流下聞有小兒啼聲往取因長養之以爲子登三司流中庸之號廣後不治其本親服云我於本親已

爲死人也世以此爲深譏焉

搜神記曰陳仲舉微時嘗宿黃申家而申婦方產有扣申門者家人咸不知久久方聞屋裏有言賓堂下有人不可進扣門者相告曰今當從後門往其一人便往有頃還留者門之是何等名爲何當與幾歲往者曰男也名爲奴當與十五歲後應以何死答曰應以兵死仲舉告其家曰吾能相此兒當以兵死父母驚之亦不使得執也至年十五有置鑿於梁上者其末出奴以爲木也自下鈎之鑿從梁落陷腦而死後仲舉爲豫章太守故遣吏往餉申家并問奴所在其家以此具告仲舉仲舉歎此謂命矣
幽明異苑曰魏郡徐逮字君及婦平昌孟氏生兒頭有一角一腳頭正仰向通身盡赤落地無聲乘虛而法
又曰丹陽縣賂慶婦生一男一虎一狸狸虎毛色斑黑牙

瓜皆備即殺之兒經六月而死母不異豎與手豈豈異下
又曰沛國武操之妻林氏元嘉中懷身得病而死俗忌含
胎入柩中要須割出妻乳母傷痛之乃撫尸而呪曰若天
道有靈無令死被孽裂須臾尸面赭然上色於是呼婢共
扶之俄頃兒墮而尸倒也續齊書太宰劉劭妻并胎中死
嵩高山記曰昔陽翟有婦人妊身三十月乃生手從母背
上出五歲便入此山學道神明為母立祠因號曰開母祠
焉十五歲身熱以所衣答曰熱以衣次皆果食其家曰
齊門之異所等齊蘇州常與靈驗者曰畏即各異姓當
並味門杏林許曰今當貧貧門去其一入驗封言此
門齊家入與不賦人人代問是身齊齊齊齊齊齊齊齊
魁軒謂曰州州州州州州州州州州州州州州州州州

太平御覽卷第三百六十一

太平御覽卷第三百六十二

人事部三

姓

姓

名

說文曰姓人所生也古之神聖人母惑天而生子故稱天
子春秋曰天子因生以賜姓從女從生亦聲也主謂代
易類謀曰黃帝吹律以定姓

左傳隱八年曰無駭卒羽父請謚與族公問族於衆仲衆
仲對曰天子建德因生以賜姓因其所由生以賜姓謂若
肸之土而命之氏諸侯以字諸侯位卑不得賜姓故為謚
因以為族官有世功則有官族邑亦如之公命以字為展

氏無駭公子展之
孫故為展氏也
又襄二十四年曰穆叔如晉范宣子逆之問焉曰古人有

以鐵伐爲氏庶朕宗族子孫剛銳如鐵皆堪伐人
三國典略曰周蔡祐字承先陳留圉人齊安郡守襲之子
也有膂力便騎射太祖以其戰功賜姓大利稽氏
唐書曰康國卽漢康居之國也其王姓溫月氏先居張掖
祁連山北昭武城爲突厥所破南依葱嶺遂有其地枝庶
皆以昭武爲姓示不忘也
又曰則天朝博州刺史琅邪王冲據博州起兵冲父豫州
刺史越王貞又舉兵於豫州與相應討平之改姓爲虺氏
又曰尚可孤東部鮮卑宇文之別種也代居松漠之間天
寶末歸國諱安祿山後事史思明上元中歸順累授左右
威衛二大將軍魚朝恩之統禁軍愛其勇力甚委遇之俾
爲養子奏改姓魚氏
又曰李全略者本姓王名簡爲鎮州小將事王武俊元和

中節度使王承宗歿軍情不安自拔歸朝授代州刺史及
長慶初鎮州軍亂害田弘正穆宗爲之旰食以簡嘗爲將
召問其計簡遂極言利害願有以自效明年擢拜橫海軍
節度使賜姓李氏名全略以崇寵之

白虎通曰人所以有姓者何所以崇恩愛厚親親遠禽獸
別婚姻也故紀世別類使生相愛死相哀同姓不得相娶
皆爲重人倫也姓者生也人稟天氣所以生者也詩云天
生蒸氏尚書曰平章百姓姓所以有百者何以爲古者聖
人吹律定姓以記其族人含五常而生正聲有五官商角
徵羽轉而相雜五五二十五轉生四時異氣殊音悉備故
姓有百也所以有氏者何所以貴功德下伎力或氏其官
或氏其事聞其氏即可知其德所以勉人爲善也或氏王
父字者何所以別諸侯之後爲興滅國繼絕世也王者之

子稱王子王者之孫稱王孫諸侯之子稱公子公子之子稱公孫公孫之子各以其王父字爲氏故春秋有王子瑕論語有王孫賈又衛有公孫荆公孫朝魯有仲氏孟氏叔氏季氏楚有昭屈景氏齊有高國崔盧氏以知其子孫也王者之子亦稱王子兄弟立而皆封也或曰王者之孫亦稱王孫荆德放曰堯知命表稷契賜姓子姬臯陶典刑不表姓言天任德遠刑禹姓姁祖昌意以薏苡生舂姓子氏祖以玄鳥子生也周姓姬氏祖以履大人跡生也

風俗通曰萬類之中唯人爲貴春秋左氏傳官有世功卽有官族邑亦如之公羊譏衛滅邢論語貶昭公娶於吳諱同姓也蓋姓有九或氏於號或氏於謚或氏於爵或氏於國或氏於官或氏於字或氏於居或氏於事或氏於職以號唐虞夏殷也以謚戴武宣穆也以爵王公侯伯也以國

曹魯宋衛也以官司馬司徒司空司城也以字伯仲叔季也以居城郭園池也以事巫卜陶匠也以職三馬五鹿青牛白馬也

三輔舊事曰堯母字慶都配高辛氏而生堯因主人伊長孺爲姓謂之伊

陳留風俗傳曰侯氏氏侯爵周微官失其守故以侯爵爲姓

又曰秦之先曰伯翳佐舜馴擾鳥獸錫姓曰嬴氏其後分封以國爲姓有徐氏郟氏黃氏江氏

文士傳曰東哲字廣微踈廣後也王莽未廣曾孫孟造自東海避難歸蕪城改姓去踈之足爲東氏

世說曰諸葛令恢與王丞相共爭姓族前後王曰何不言葛王而言王葛諸葛曰譬言驢馬不言馬驢驢寧勝馬邪

論衡曰孔子推律自知殷之苗也

名

禮記曲禮上曰名子者不以國不以日月不以隱疾不以

山川此在常語之中為後難諱也春秋傳曰名終將諱之

又曰二名不偏諱孔子之母名徵在言徵不稱在言在不

稱徵也

又曲禮下曰君子已孤不更名重本也

又大傳曰名者人治之大也可無慎乎人治行以正人

左傳桓公曰初晉穆侯之夫人姜氏以條之役生太子命

之曰仇其弟以千畝之戰生命之曰成師師服曰異哉君

之名子也夫名以制義義以出禮禮以體政政以正民是

以政成而民聽易則生亂嘉耦曰妃怨耦曰仇古之命也

自古有也今君命太子曰仇弟曰成師始兆亂矣兄其替乎

又曰子同生以太子生之禮舉之公問名於申繻對曰夫

名有五有信有義有象有假有類以名生為信若唐叔虞魯公子友

以德命為義若文王名昌武王名發也以類為象若孔子首象尼丘山取於物為

假若伯魚生人有饋之取於父為類若子同生有不以國

以本國為名也不以官不以山川不以隱疾不以畜牲不

以器幣周人以諱事神名終將諱之君父之名固非臣子

木鐸徇曰舍故而諱新謂故以國則廢名以官則廢職以

山川則廢主以畜牲則廢祀以器幣則廢禮晉以僖侯廢

司徒僖侯名司徒廢為中軍也宋以武公廢司空武公名司空廢為司城也先君獻

武廢二山二山具武公名故是以大物不可以命公曰是

其生也與吾同物命之曰同物類也謂同日也

又閔公曰成季之將生也桓公使卜楚丘之父卜之曰男

也其名曰友及生有文在其手曰友遂以命之遂以為名

又文下曰鄭瞞侵齊鄭瞞秋國名遂伐我公卜使叔孫得臣追之吉冬十月敗狄于鹹獲長狄僑如僑如鄭瞞國之君以命宣伯

得臣待事而名其三子因名宣伯曰僑如以旌其功也又宣上曰楚鬬伯比淫於邲子之女生子文弃諸夢中虎乳之邲子畋見之使牧之楚人謂乳為穀謂虎為於菟故命之曰鬬穀於菟

又宣上曰鄭文公有賤妾曰燕姑夢天使與己蘭曰予為伯儵余爾祖也以是為而子以蘭有國香人服媚之如是既而文公見之與之蘭而御之辭曰妾不才幸而有子將不信敢徵蘭乎公曰諾生穆公名之曰蘭

又定下曰魯苦越生子將待事而名之陽州之役獲焉名之曰陽州欲自比僑如

漢書曰司馬相如小名犬子及長慕蘭相如為人更名相

如

後漢書曰趙歧字臺卿生於御史臺因字臺卿

東觀漢記曰廉范為蜀郡守令民不禁火百姓皆喜家得其願時生子皆以廉為名者千數

魏志曰程昱本名立夢登太山捧日人或以夢告太祖太祖曰終為吾腹心遂上加日

又曰鄧艾字士載棘陽人年十二隨母至潁川讀故太丘長陳寔碑文言為世範行為士則艾遂自名範字士則後宗族有與同者改焉

又曰王昶字文舒太原人其為兄子及子作名字皆一依謙實以見其意故兄子默字處靜沉字處道其子渾字玄冲深字道冲遂書戒之曰夫人之道莫大於保身全行以顯父母

吳志曰立子暈為太子注曰休制曰孤今為四子作名字
太子名暈音如湖水灣湧之灣字箇音如迄今之迄今子
名暈音兕觥之觥字弄音如玄噴音首之噴音次子名音如草莽之莽字显音如舉物之舉次子名寇音如襲衣
下寬大之寬字焚音如有所擁持之擁此都不與世所用
者同故鈔舊文會合作之
江表傳曰顧雍從蔡伯喈學專一清靜敏而易教伯喈貴
異之謂曰卿必成致今以吾名與卿故雍與伯喈同名由
此也吳錄曰雍字元歎言為蔡雍之所歎也
晉書曰謝玄破苻堅於淮淝先有童謠云誰謂爾堅石打
破故相豁以石名子以邀其功
晉中興書曰咸和元年當徵蘇峻司徒導欲出王舒為外
授乃更拜撫軍將軍會稽內史秩中二千石舒上疏以父

名會不得作會稽朝議以字同音異於禮無嫌舒陳音雖
異而字同乞換他郡於是改會字為郇古會切舒不得已親
職

崔鴻十六國春秋前涼錄曰李弇字子完隴西狄道人也
弇本名良又妻姓梁張駿戲之曰卿名良妻姓梁夫妻相
同稱子孫將何以自其舅氏昔耿弇以少年立功立事吾
今賴卿有同於耿氏乃賜名曰弇
又曰陳安成紀平莊人也少慷慨讀書見許褚而慕之乃
自字虎侯

後魏書曰游肇字伯始高祖賜名尚書令高肇世宗之舅
為百寮懼憚以肇名與己同欲令改易肇以高祖所賜秉
志不許高肇甚銜之世宗嘉其剛梗
又曰太和初宋弁為殿中郎中高祖嘗因朝會之次歷訪

治道弁年少官微自下而對聲姿清亮進止可觀高祖稱善者久之因是太被知遇賜名為弁思取弁和獻玉楚王不知寶也

宋書曰廢帝諱昱字德融小字惠震明帝長子也大明七年正月辛丑生於衛尉府大宗諸子在孕皆以周易筮之即以所得之卦為小字故帝字惠震

又曰王景文美風姿好言立理少與陳郡謝莊齊名太祖甚相欽重故為太宗娶景文妹而以景文名名太宗

又曰顏竣為丹陽尹加散騎常侍先是竣未有子而大司

馬江夏王義恭諸子為元凶所殺至是並各產男上自為制名名義恭子為伯禽以比魯公伯禽周公旦之子也名竣子為辟疆乃比漢侍中張辟疆張良之子也

宋書曰謝莊五子刀計臚音臚顯音顯從音從瀟音瀟藥音藥世謂莊名子以

風月景山水

梁書曰張嶷字四山初嶷父稷為剡令至嶷亭生之因名嶷字四山少勤孝行年二十餘猶斑衣受稷杖動至數百收淚歡然

三國典略曰周陸逞字季明綏德郡公通之弟也初名彥字世雄魏文帝嘗從容謂之曰爾既溫裕何乃字世雄且為世之雄非所宜也於爾兄弟又復不類遂改焉

南史曰陳文帝嘗謂宣帝曰我諸子皆以伯為名汝諸子宜用叔為稱宣帝因以訪毛喜喜即條自古名賢杜叔英虞叔卿等二十餘人以啓之文帝稱善

白虎通曰人必有姓名何以吐情自紀尊事人者也論語曰名不正則言不順三月名之何天道一時物有其變人生三月目煦亦能咳笑與人相荅故因其始有知而名之

故禮傳曰子生三月則父名之名之於祖廟於祖廟者謂子之親廟也明當爲宗祖主也一說名之於燕寢名者幼小卑賤之稱也質略故於燕寢殷以日名子何殷家質直故以生日名也以尚書言太甲帝乙武丁也於民臣亦得以甲乙生日名子不使亦不止也以尚書道殷臣有巫咸有祖己也何以知諸侯不象王者以生日名子也以大王名亶甫王季名慝此殷之諸侯也不以子丑爲名何曰甲乙者幹也子丑者枝也幹者本本質故以甲乙爲名也名或兼或單何名子非一或聽其聲律定其名或依其事旁其形故或兼或單也依其事者若后稷是也棄之因名爲棄旁其形者孔子首類魯尼丘山故以爲之名也風俗通曰表賀字元服祖父京爲侍中安帝始加元服京入賀而賀始生因名之曰賀而字元服

鄭玄別傳曰玄一子名益字益恩年二十三相國孔府君舉孝廉府君以多寇屯都昌爲賊管亥所圍乃令從家將兵奔救遇賊見害時年二十七也妻有遺體生男女以太歲在丁卯生此男以丁卯日生又手理與玄相似故名曰小同

孟宗別傳曰孟宗爲豫章太守民思其惠路有行歌故時之生子者多以孟爲名

江祚別傳曰祚爲南安太守民思其德生子多以爲名字李蜀書曰賈夷字景叔梓潼人也太始初內移河東少仕晉臺爲倉部令史懷帝時爲安富令中原喪亂玉衡七年歸國武帝素聞夷名重之皇子雅生因名賈夷後秦記曰後帝泓字元于時東宮生邵弘言於父曰君之於臣先生之與其門人名之可也至於同官之於僚黨同

姓之於昆弟同門之於朋友可以稱其字而不可斥其名故公羊傳曰名不如字者非謂其人之名不如其字尊乃謂爲人所字則近乎見尊爲人所名則近乎見卑也古之君子之名子也必以信義而擇淑令所以祥其名也不以官職所以殊其名也不以畜幣所以重其名也不以隱疾所以顯其名也遍告內外所以昭其名也書而藏之所以寶其名也賤者避焉所以貴其名也冠而有字所以尊其名也名成乎禮字依乎名名字之本字名之末也爲本故尊爲末故卑尊故其禮詳卑故其事略也且婦人無名故賤於丈夫野人無名故賤於學士名者己之所以事尊尊者之所以命己字則己之所以接卑卑者之所以稱己未有用之於尊而爲卑用之於卑而爲尊者也

搜神記曰齊惠之妾蕭桐子見御有身以其賤不敢言也取薪而生頃公於野又不敢舉也狸乳鷓覆之人見而收之因名無野

何種玄壽賜名敘曰新婦荀氏所生女以歲在丁丑四月五日日始出時生此月斗建巳其日又巳其時加卯甲乙卯皆東南春夏天地動發萬物滋生令月吉日之善時也又於易卦震位在卯巽位在巳震爲長男巽爲長女而此女孫正用茲日斯時始瞻日月宜伊先祖之靈寔臨祐之玄髮素顏婦人之上姿也壽考無疆生民之至願也故賜名曰玄壽焉

知名號曰會稽三康
徐廣晉紀曰相温才氣雄雋恢爽凌邁温嶠見其幼時知
必非常故父彞字曰温
白虎通曰人所以有字何所以冠德明功敬成人也故禮
士冠經曰賓北面字之又曰冠而字之敬其名也所以五
十乃稱伯仲者五十知天命思慮定也能從四時長幼之
序故以伯仲號也
荀氏家傳曰荀愷字茂伯小而智外祖晉宣王甚器之字
為虎子弟悝為龍子王每謂曰俟汝長大當共天下
陳武別傳曰武胡人育於臨水令陳君君奇之起議欲易
其故字武長跪自啓曰里語有之都亭鼠數聞長者語今
當易字寔有私心嘗聞長卿慕蘭相如之行故字相如往
在鄉里久聞故老之說稱漢使蘇武執忠守志不服單于

流放漠北擁節牧羊寄秋鴈以訴心因行雲而託誠高山
仰止意竊慕之陳氏嘉其志遂名之曰武又欲令字中顯
其本是胡人而石勒石虎諱胡曰國人故因字之曰國武
尹文子曰康衢長者字僮曰善搏音博字大曰善噬賓客不
過其門者三年長者恠而問之以寔對於是改之賓客復
往

形體

聖證論曰學者不知孟軻字按子思書及孔叢子有孟子
居即是軻也軻軻少居坎軻故名軻字子居也

釋名曰形有形像之異也體第也骨肉毛血表裏大小相
次第也

尚書大傳曰堯八眉舜四瞳子禹其跳湯扁文王四乳八
者如八字者也其跳者踦也其發聲也踦步扁者枯也言湯

體半小言皆不善也

韓詩外傳曰惟天命本人情人有五藏六府何謂五藏情藏於腎神藏於心魂藏於肝魄藏於肺志藏於脾何謂六府咽喉量入之府睥者五穀之府大腸轉輸之府小腸受成之府膽積精之府膀胱精液之府也

孝經援神契曰人頭圓象天足方法地五藏象五行四

法四時九竅法九分日法日月肝仁肺義腎智心禮膽斷

脾信膀胱決難髮法星辰節法日歲腸法鈐鈐鈞也主鍵問

東觀漢記曰詔書令功臣家各自記功狀不得自增加以

變時事或自道先祖形貌表相無益事實復曰齒長一寸

龍顏虎口奇毛異骨形容極變亦非詔書之所知也

又日上復以朱祐爲護軍常舍止於中祐侍讌從容曰長

安政亂公有日角之相從以觀上風采上曰召刺姦收護

軍祐由是不復言

江表傳曰孫權生而方頤大口目有精光

晉起居注曰懷帝琅邪恭王子母曰夏侯氏帝生有白毫

生於目左角龍顏隆準眼有精曜

李蜀書曰武帝諱雄字仲儁始祖第三子帝身長八尺三

寸美容貌相工相之曰此君將貴其相有四目如重雲鼻

如龜龍口如方器耳如相望法爲貴人位過三公不疑也

帝每周旋鄉里有識者皆器重之有劉化者道術士也太

康中每語鄉里曰李仲儁有大貴之表終爲人主也

車頻秦書曰苻堅時四夷賓服湊集關中四方種人皆奇

貌異色晉人爲之題目謂胡人爲側鼻東夷爲廣面闊頰

北狄爲匡脚面南蠻爲腫蹄方方以類名也

吳均齊春秋曰太祖神容魁梧天表英特體有龍文寬雅

沉深喜怒不形於人

隋書曰高祖文帝龍顏額有五柱入項目光外射

晏子春秋曰伊尹倨身湯偃

孫卿子非相篇曰衛靈公有臣公孫呂長七尺面居三尺

廣三寸鼻曰耳具而名振天下

管子曰子產曰角晏平仲月角尾生犀角柳下惠史魚反

角

文子曰人頭之圓以法天足之方以象地天有四時五行

九解三百六十日人亦復有四支五藏九竅三百六十節

天有風雨寒暑人亦有取與喜怒膽為雲肺為雨脾為風

腎為電肝為雷以與天地相類而心為之主耳目者日月

也而血氣者風雨也日月失行而薄蝕無光風雨非時毀

折生災五星失行州土受其殃天地之道愛其神明人之

耳目何能久勤而不變精神何能久馳而不止是故聖人
守內而不失也

孔叢子曰魏安釐王欲以馬回為相問于順曰回為人便
便亮直之丈夫也順曰聞諸孫卿其為人長目而豕視必
體方而心圓臣見回非不偉其體幹也而疑其目王卒用
之果以諂得罪

莊子曰老萊子弟子出薪遇仲尼反以告曰有人於彼修
上而趣下末僂而後耳耳却近後視若營四海不知其誰

氏之子老萊子曰是丘也

淮南子曰形者生之舍也
又曰夫神者所受於天也而形體者所稟於地也故曰一
生二二生三三生萬物故曰一月而氣二月而血三月而

胎四月而胞五月而筋六月而骨七月而成八月而動九

月而躁十月而生形體以成五藏乃形是以肺主目腎主
鼻膽主口肝主耳

又地形篇曰東方川谷之所主日月之所生其人銳形小
頭隆鼻大口鵞肩企行竅通於目筋氣屬焉倉色主肝長
大早知而不壽南方陽氣之所決暑温居之其人墮形銳
上大口決毗竅通於耳血脉屬焉赤色主心早壯而天西
方高土川谷出焉日月入焉其人皆方面脩頸印行竅通
於鼻皮革屬焉白色主肺而勇敢不仁北方幽晦不明天
之所閉者也寒冰之所積者也其人翕形短頸大肩下尻
竅通於陰骨幹屬焉黑色主腎其人蠢愚而壽中央四達
風氣之所通雨露之所會也其人大面短頤美鬚竅通於
口膚肉屬焉黃色主胃而惠聖

博物志曰東方少陽日月所出山谷清朗其人姣好西方

少陰日月所入其土窈冥其人高鼻深目多毛南方太陽
土下水沃其人大大口北方太陰土平廣深其人廣面縮頸
中央四抄風雨交山谷峻其人端正

神仙傳曰玉札金箓內經皆云老子黃色美鬚廣額長耳
大目踈齒方口厚脣有參午達理魚目虎鼻純骨雙柱耳
有三門足蹈二五手抱十文

列女傳曰叔姬之生叔魚也生而視之曰是虎目而豕喙
鵞肩而牛腹谿壑可滿是不可厭也

李邕別傳曰公長七尺八寸多鬚鬚八眉左耳有奇表項
枕如鼎足手握三公之字

管寧別傳曰寧身長八尺龍顏秀眉

論衡曰倉頡四目而佐帝公子重耳駢脅爲諸侯霸蘇秦
骨鼻爲六國相張儀此脅相秦魏

頭上

說文曰頭首也顛口瓦切頤大頭也顛小頭也

釋名曰頭獨也處體高而獨尊也首始也

易未濟卦曰飲酒濡其首有孚失是飲酒濡首有孚失是醜酒無節

又說卦曰乾為首

韓詩外傳曰禽息秦大夫薦百里奚不見納繆公出當車

以頭擊闌腦乃精出曰臣生無補於國不如死也繆公感

悟而用百里奚

禮斗威儀曰君乘火而王其民銳頭君乘水而王其民大

頭

禮記少儀曰頭容直不傾也頭頸必中頭容直也

樂汁圖曰赤帝銳頭黑帝大頭宋均注曰銳頭像朱鳥也

左傳昭二年曰豎牛奔齊孟仲之子殺諸塞關之外投其

首於寧風之棘上此大論

春秋元命苞曰頭者神所居土貢象天氣之府也歲必十

二故人頭長一尺二寸此大論

爾雅曰元首也左傳曰狄人歸先軫之元

孝經援神契曰頭圓象天足方法地

史記曰蘭相如為趙使秦持璧却立倚柱謂秦王曰趙王

齋戒五日使臣奉璧今大王見臣禮節甚倨得璧傳之美

人以為戲弄臣故復取璧大王必欲急臣臣頭今與璧俱

碎於柱矣

又曰須賈使秦見范雎數之曰為我告魏王急持魏齊

頭來不者我屠大梁賈歸告齊亡匿趙平原君所齊遂自

劉趙王取頭與秦

又曰欒布為梁大夫使於齊未還漢誅彭越梟頭雒陽下

詔曰有敢收視者捕之欒布從齊還奏事於彭越頭下
 戰國策曰三晉分智氏趙襄子最怨智伯漆其頭以為飲
 器史記齊世家大梁買鐵者齊立刑罰平頭其頭後自
 又曰白頭如新傾蓋如舊漢書又曰告賊王心其將
 漢書曰項籍顧見漢騎司馬呂馬童曰若非吾故人乎馬
 童面之指王翳曰此項王也羽曰吾聞漢購我頭千金邑
 萬戶吾為公得乃自剄王翳取其頭漢書
 又曰高祖招田橫橫至尸鄉廐謂從者曰陛下欲一見我
 面耳今斬吾頭馳三十里形猶未敗遂自剄令客奉其頭
 又曰秦始皇即位三十七年內平六國外攘四夷死人如
 亂麻暴骨長城之下額顛相屬於道
 又曰孫敬字文寶好學晨夕不休及至眠睡疲寢以繩繫
 頭懸屋梁後為當世大儒

又曰陳遵長八尺餘長頭大鼻容貌甚偉

又曰御史大夫陳萬年子咸亢直有異才萬年常召咸於
 床下教戒之咸睡頭觸屏風萬年怒之咸叩頭謝曰具曉
 所言大要教咸諂也萬年不復言

又曰建元中匈奴降者言匈奴破月氏王以其頭為飲器
師古曰飲酒之器

東觀漢記曰岑彭引兵從車駕破天水與吳漢圍隗囂於
 西城勅彭曰兩城若下便可將兵南擊蜀虜人若不知足
 既平隴復望蜀每一發兵頭鬚為白

後漢書曰賈逵自為兒童常在大學不通人間事身長八
 尺二寸諸儒為之語曰問事不休賈長頭

又曰張讓段珪誅何進為詔以故太尉樊陵為司隸校尉
 少府許相為河南尹尚書得詔版疑之曰請大將軍出共

議中黃門以進頭擲與尚書曰何進反已伏誅
典略曰李傕移保黃白城梁與張橫等破之送其首初傕
兒子循及利等侍上無禮及傕頭到有詔高懸之

魏略曰龐惠手斬一級不知是郭援戰罷之後眾人皆言
援死而不得其首援鍾氏之甥惠後於韃中出一頭鍾繇
見之而哭惠謝繇繇曰援雖我甥乃國賊也卿何謝焉
魏志曰辰韓國兒生以石壓其頭欲其褊故今辰韓人皆
褊頭

又曰表紹辟牽招爲督軍從事紹卒事表尚後遼東送尚
首懸在馬市牽招觀之悲感設祭頭下太祖義之

又曰劉虞字恭嗣年十歲講堂上司馬德操撫其頭曰孺
子黃中通理寧自知不

蜀志曰秦宓使吳吳主問宓天有頭乎曰有詩云乃瞻西

顧以此推之頭在西方

又曰魏延字文長義陽人延夢頭上生角以問占夢趙直
直告人曰角之爲字刀下爲用頭上用刀其凶甚矣延後
果誅楊儀蹋延頭曰庸能復作惡

又曰先主與張飛趙雲等泝流而上分定郡縣時巴郡嚴
顏率衆守城不降及城陷縛顏至飛呵顏曰汝見大軍至
何以不降而敢拒戰顏荅曰我州但有斷頭將軍無降將
軍也飛怒命左右牽去斫頭顏大笑曰斫頭便斫頭何爲
怒耶於是飛壯而釋之引爲上客

太平御覽卷三百六十三

太平御覽

卷三百六十三

七

太平御覽卷第三百六十三

漢書敘敘張洋而舞之得取土容
 軍中無怨命古亦樂之舞與頭大笑曰
 神以不測而神其難哉若日奔於中
 賈李樂守無不測之難謂難全樂何
 又曰或求與與樂該悲苦或謂曲土
 果精淋論論難難難難難難難難難
 直若入曰曰之難難難難難難難難
 又曰或求與與樂該悲苦或謂曲土
 果精淋論論難難難難難難難難難

太平御覽卷第三百六十四

人事部五

頭下

頂

額

頭下

吳志曰孫權太子和被幽閉驃騎將軍朱據尚書僕射屈晃率諸將吏泥頭自縛連日詣闕請和

又曰諸葛恪被誅臨淮臧均表乞收葬恪曰臣聞雷震奮激不崇一朝大風衝發希有極日今恪父子三首懸示積日觀者數萬詈聲成風國之大刑無所不震

又曰關羽既敗走權使虞翻筮之得兌下坎上節五爻變而之臨翻曰不出二日必當斷頭果如翻言權曰卿不及伏羲可與東方朔為比矣

晉書曰嵇康謂趙至曰君頭小而銳有白起風童子白黑

分明曰... 又曰相溫卒于玄為嗣襲爵年七歲溫服終府州文武辭其叔父沖沖撫玄頭曰此汝家故吏也玄因涕淚被面眾並異之... 王隱晉書曰蒼梧太守吳臣據郡邑不恭王命孫權遣步騭為交州喻臣臣照鏡不見其頭騭因入斬之... 又曰王珣與謝玄俱被辟相溫曰謝掾必擁麾杖節王掾當作黑頭公未易才也... 晉中興書曰庾亮與蘇峻戰於建陽門王師敗績亮於陣攜其三弟懌條翼南奔溫嶠顯宗幸嶠船亮泥首謝罪... 崔鴻前秦錄曰東海王苻雄字元才洪之季子以功拜龍驤將軍征伐皆有殊績雄醜形貌頭大足短故軍中稱之為大頭龍驤

秦記曰苻堅祖洪見堅狀貌欲令頭堅腹軟字之曰堅頭隋書曰高祖文皇帝生馮翊般若寺皇妣抱帝忽見頭上出角遍體起鱗大駭墜帝於地

春秋後語平原君曰澠池之會臣察武安君之為人小頭而銳瞳子白黑分明視瞻不轉小頭而銳斷敢行也瞳子白黑分明見事明也視瞻不轉執志強也可以待以難與爭鋒廉頗足以當之

吳越春秋曰眉間尺逃楚入山道逢一客客問曰子眉間尺乎荅曰是也吾能為子報讎尺曰父無分寸之罪枉被荼毒君今惠念何所用耶客曰須子之頭并子之劍尺乃與頭客與王王大賞之即以鑊煮其頭七日七夜不爛客曰此頭不爛者王親臨之王即看之客於後以劍斬王頭入鑊中二頭相齧客恐尺不勝自以劍擬頭入鑊中三頭

相咬七日後一時俱爛乃分葬汝南宜春縣并為三冢
山海經曰三首國一身三首羽民國為人長頭

又曰共工之臣曰相仰氏共工霸九州者也九首以食于九山

晏子春秋曰景公遊於梧丘夜夢五大夫稱寃公問晏子

晏子曰昔靈公田有大夫駭獸斷其頭埋之命曰五大夫

丘公令掘之果如其言

又曰湯長頭而寡髮

莊子曰雲將東過扶搖之枝雲將雲之主師也而適遭鴻

蒙鴻蒙自氣雲將曰天氣不和地氣鬱結六氣不調四時不

節今我願合六氣之精以育羣生為之奈何鴻蒙拊髀爵

躍掉頭曰吾弗知吾弗知

又曰亡羊而得牛斷指而得頭

燕丹子曰荆軻謂樊於其日今得將軍之首與燕地圖秦

王必喜而見軻軻將左手把其袖右手搯其胷則將軍積

忿除矣於是於起扼腕執刀曰是日夜所欲而今聞命於

是自刎頭墮背後兩目不瞑以函盛於其首與軻入秦

呂氏春秋曰今有人於此斷頭以易冠殺身以易衣世必

惑也是何也冠所以飾頭衣所以飾身今殺所飾而要所

以飾則不知所為矣世之趨利似此亦不知所為也

帝系譜曰神農牛首伏羲人頭蛇身

黃帝素問曰頭者精明之主也

董卓別傳曰卓知所為不得遠近意欲以力服之遣兵於

陽城時遇二月社民在社下飲食悉就斷頭駕其車馬載

其婦女財物以斷頭繫車轅軸還雒云攻敗大獲稱萬歲

入關雒陽城門焚燒其頭

神仙傳曰曹公捕左慈數日得之便斷頭以白曹公公大

喜日果慈頭定視是一束茅耳
搜神記曰南方有落頭民吳時將軍朱栢得一婢每夜臥
後頭輒飛去或從狗竇或從天窓中出入以耳爲翼將曉
復還數數如此旁人恠之夜照視唯有身無頭其體微冷
氣息裁屬乃蒙之以被至時頭還礙被不得安再三墮地
噫咤甚愁而體氣急疾若將死者乃去被頭復起傳頸得
安復如常人時南征大將亦往往得之又嘗有覆以銅盤
者頭不得進遂死博物志同
又曰渤海太守史良妤一女子許而不果良斷其頭而歸
投於甕下曰當令火葬頭語曰使君我相從何圖當耳
異苑曰管寧避難遼東還汎海遭風船垂傾沒寧思憊曰
吾嘗一朝科頭三晨晏起今天怒猥集過恐在此
又曰晉惠帝元康三年武庫火燒夫子履漢斬白蛇劔漆

王莽頭等

錄異傳曰漢武帝時蒼梧賈雍爲豫章太守有神術出界
討賊爲賊所殺失頭雍上馬還營營中咸走來視雍雍曾
中語曰戰不利爲賊所傷諸君視有頭爲佳無頭佳乎吏
泣曰有頭佳雍曰不然無頭亦佳言畢遂死

幽明錄曰河東賈弼小名鬢兒具諳究世譜義熙中爲琅
邪府參軍夜夢有一人面黧脆甚多鬚大鼻瞞目請之曰
愛君之貌欲易頭可乎乃於夢中許易明朝起自不覺而
人悉驚走琅邪王大驚遣傳教呼視弼到琅邪遙見起還
內弼取鏡自看方知恠異因還家家悉驚入內婦女走藏
弼坐自陳說良久并遣人至府檢問方信後能半面啼半
面笑兩手各捉一筆俱書辭意皆美爲異也餘並如先
列女傳曰京師節女長安大昌里人夫有仇仇家執父使

要其子為中間女念不聽則殺父殺父不孝聽則殺夫殺夫不義乃許之日夜在樓上新沐頭東首卧者是還譎其夫使卧他處自沐卧樓上仇家斷其頭而去仇悲義之遂不殺其父

益部耆舊傳曰段翳字元章善天文風角有一諸生來學積年諸生略究要術辭歸鄉里翳為作一脂筒中盛簡書曰有變乃發視之生至葭萌與吏爭津吏隨從人頭破開筒得書言到葭萌與吏鬪破頭者以此脂裹之生喟然而歎乃還卒其業

博物志曰人以冷水漬至膝啖瓜數十漬至頭可啖百餘水皆作瓜氣

括地圖曰白民白首身被髮

三巴記曰巴有將軍曼子請於楚以平巴亂楚使請城曼

子曰城不可得乃自刎其頭與楚楚義之以上卿禮葬其頭巴以上卿禮葬其身

長沙耆舊傳曰劉壽少時遇相師曰君腦有玉枕必至公也後至太尉

李邵別傳曰公耳有奇表腦枕如鼎形

易洞林曰郭璞為左尉周恭上云君墮馬傷頭尉後乘馬行黃昏坂下有犢車觸馬馬驚頭打石上流血殆死

語林曰魏郡太守陳異嘗詣郡民尹方方被頭以水洗盤抱小兒出更無餘言異曰被頭者欲吾治民如理髮洗盤者欲使吾清如水抱小兒者欲使吾愛民如赤子也

世說曰祖廣字淵度行恒縮頭詣栢南郡下車栢曰天甚明朗祖參軍如從屋漏中來

又曰諸葛道明初過江左名亞王庾之下先為臨沂令丞

相謂曰明府當為黑頭公晉王粲之平武楚辭曰魂兮來歸君無上天些一夫九首拔木九千些

說文曰頂巔也木曰頂易大過卦曰過涉滅頂凶無咎

韋曜毛詩問曰旱鬼眼在頂上列女傳曰齊鍾離春齊無鹽邑之女鍾離姓其為人極醜

無雙曰頭深目頂上少髮折腰出曾莊子曰支離疏頤隱於臍肩高於頂

應璩新詩曰醉酒巾幘落頂禿赤如狐

釋名曰額鄂也有垠鄂也故幽州人謂之鄂

易說卦曰巽為廣顙上大下小故為廣顙

河圖曰黃帝廣顙龍顙

又曰天之東西南北極各有銅頭鐵顙兵長三千萬丈三千億萬人

毛詩鄘柏舟君子偕老日子之清揚揚且之顙也清視明

詩含神霧曰代漢者龍顏珠顙廣揚而顙展如之人兮邦之媛也

春秋元命苞曰在天為文昌在人為顏顙太一之謂也顙

之言氣眸也陽立於五故顏博五寸

論語摘輔象曰樊遲山顙有若月衡反宇陷顙是謂和喜
方言曰顙音稽顙也顏顙也江湘謂之頭中夏謂之顙東齊
謂之顙河濟淮泗之間謂之顙
漢書曰成帝幸宮人嚴宮生男帝為趙昭儀召殺之宮曰
果欲姊弟擅天下我兒男也顙上有壯髮類孝元帝今兒

安在危殺之矣奈何令長信得聞之

東觀漢記曰和熹皇后年五歲夫人爲鬪鬚夫人年老目
瞑并中后額雖痛忍不言

又曰銚期從擊王郎將兒宏劉奉於鉅鹿下期先登陷陣
手殺五十餘人瘡中額攝憤復戰遂大破之

又曰馬廖上疏曰夫改政移風必有其本長安語曰城中
好廣眉四方過半額

魏志曰龐惠親與關羽交戰射羽中額

王隱晉書曰元帝白毫生額上有光明

崔鴻後趙錄曰石勒征劉曜見無守軍大悅舉手指天又
指額曰天也

北齊書曰文宣帝洋爲王時夢人以筆點記額明日告舍
人王雲哲曰吾其誅乎雲哲賀曰王上加點爲主也後果

然

隋書曰劉孝綽字士龍信都人犀額龜背望高視遠聰敏
深沉弱不好弄

又曰煬帝令陳稜討杜伏威伏威自出陣前挑戰稜部將
射中其額伏威怒指之曰不殺汝我終不拔箭遂馳之獲
所射者使其拔箭然後斬之

鹽鐵論曰古者君子思德小人思利今人堅額健舌或以
致業

抱朴子曰老君額有三理上下微

語林曰賈充問孫皓何以好剝人面皮皓曰憎其顏之厚
吳都賦曰雕題之士注曰鏤額也嶺南並鏤額額題也

相書占氣雜要曰黃氣如帶當額橫卿之相也有卒喜背
發於色額上面中手上是其候也寅色最佳

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

又曰額臨者男早得官女子早成

太平御覽卷第三百六十五

人事部六

面

面

說文曰面顏前也從頁首象人面形類

音短面也頤感切面黃也顛音力切面瘦淺顛顛也蔽面慙

赤也

河圖曰蒼帝方面赤帝圓面白帝廣面黑帝深面

周易革卦日上六君子豹變小人革面

禮記內則曰女子出門必擁蔽其面

左傳僖三十二年日晉侯敗狄于箕先軫免胄入狄師死

焉狄人歸其元面如生

又襄六曰鄭子產日人心之不同也如其面焉吾豈敢謂

子面如吾面乎

又襄四曰晉程鄭卒子產始知然明問為政焉對曰視民如子見不仁者誅之如鷹鷂之逐鳥雀也子產喜以語子大叔且曰他日吾見蔑之面而已今吾見其心矣

又哀下曰楚白公作亂殺子西子期于朝而劫惠王子西以袂掩面而死葉公在蔡方城之外皆曰可以入矣及此門乃胄而進遇一人曰君胡胄國人望君如望歲焉日日

以幾翼君來若見君面是得艾也艾安也

史記曰孟戲中衍鳥身人面趙之先也

漢書曰李夫人病篤上自臨候之夫人遂轉面向壁歔歔而不復言

又曰哀帝初即位博士申咸毀給事中薛宣不供養行喪服薄於骨肉不宜復列封侯使在朝省宣于況為右曹侍

郎數問其語音賅音客楊明欲令創咸面目使不居位會司

隸闕况恐咸為之遂令明遮研咸宮門外斷鼻脣身八創事下有司况減死一等宣坐免為庶人

又曰朱博為左馮翊長陵大姓尚方禁少時曾盜人妻見斫創着其面府功曹受賂白除禁調守尉博聞知以他事召見視其面果有癩博辟左右問禁是何創也禁乃叩頭服博笑曰大丈夫固時有是因親信以為耳目

又曰朱博為人廉儉不好酒色之宴自微賤至富貴食不重味案上不過三杯夜寢早起妻希見其面

又曰董仲舒廣川人也景帝時為博士下帷講誦弟子傳以失次相授業或無見其面三年不窺園圃其精如此

又曰孔休守新都相休謁見莽莽緣恩意進其玉具寶劍欲以為好休不肯受莽因曰誠見君面有癩美玉可以減

癡欲獻其玉璣耳

音衛劍鼻也

又曰張禹為兒數隨家至市喜觀於卜相者久而頗曉其列著布卦意卜者愛之又奇其面貌謂禹父曰是兒多知可令學經

東觀漢記曰耿秉為征西將軍鎮撫單于以下及薨南單于舉國發哀裂面流血

後漢書曰應奉年二十時嘗詣彭城相表賀賀時出行閉門造車匠於內開扇出半面視奉奉即委去後數十年於路見車匠識而呼之

魏略曰徐庶名福本單家子好任俠擊劍中平末嘗為人報讎白聖突面被髮而走

蜀志曰張裕善相術每舉鏡照面自知死刑未嘗不撲之于地

又曰劉琰妻胡入賀太后太后令特留胡經月乃出胡有美色琰疑其與後主有私呼卒搃胡至於以履搏面而後棄遣胡具告言琰坐下獄有司議曰卒非搃妻之人面非受杖之地琰竟棄市

吳志曰諸葛恪父瑾長面孫權大會群臣使人牽一驢檢其面題曰諸葛子瑜也恪跪曰乞請筆益兩字因聽與筆恪續其下曰之驢舉坐忻笑乃以驢賜恪

王隱晉書曰趙孟字長舒入補尚書都令史善於清談有國士之風其面有疵黯諸事不決皆言當問疵面也

晉中興書曰王珣為相溫主簿參軍文武數萬人悉識其面

晉書曰初王恭敗梟首於東街王平之抽槊刺其面人並又曰相溫字元子豪爽有風槩姿貌甚偉面有七星

又曰劉牢之面紫赤色鬚目驚人而沈毅多計小星
 又曰劉裕於東府聚樗蒲大擲一判應至數百萬餘人並
 黑犢唯裕及劉毅在後毅次擲得雉大喜褰衣繞床叫謂
 同座曰非不能盧不事此耳裕因援五木久之曰老兄試
 為卿荅即成盧焉毅意殊不快然素黑其面如鐵色焉
 宋書曰沉慶之謂帝曰耕當問奴織當問婢今論爭伐問
 白面書生事何由濟
 又曰明帝大會新亭接勞諸軍主樛蒲賭官李安人五擲
 皆盧帝大驚目安人曰卿面方如田封侯狀也
 又曰劉瑀為右衛將軍因求益州甚不得意至江陵與顏
 竣書曰朱脩之三世叛兵一日居荊州青油幕下作謝宣
 明面
 齊書曰東昏即位多行殺戮沉昭略與沈文季徐孝嗣同

召入省例賜藥酒昭略罵徐孝嗣曰廢昏立明古今令典
 宰相無才致有今日即擲甌破面曰作破面鬼時年四十
 後梁書曰宋如周有才學為度支尚書如周面狹長宣帝
 嘗戲之曰卿何謗法華經如周蹶踏自陳不謗帝又言之
 如周懼而出告蔡大寶寶知其旨笑謂之曰君當不謗餘
 經止應不信法華法華云開經隨喜面不狹長如周乃悟
 後魏書曰清河王懌被誣見害朝野貴賤知與不知含悲
 喪氣遠夷在京師聞懌喪為之以刀劈面者數百人
 三國典略曰高長恭以淮南之亂恐為將帥歎曰我去年
 面腫今歲何為不發至是齊主使徐之範飲以毒藥長恭
 謂妃鄭氏曰我盡忠事上何辜於天而遭賜鴆之禍
 春秋後語曰秦急攻趙求救於齊齊王曰必以長安君為
 質兵乃出長安君者太后之小子也太後愛之不肯遣大

臣強諫太后怒謂左右曰敢復言長安君為質者老婦必唾其面

山海經曰大荒之山日月所入有顛頊之子三面一臂不

死郭璞注曰人頭三邊各有面也

又曰一目國一目中其面而居

尸子曰子貢問孔子曰古者黃帝四面信乎孔子曰黃帝

合己者四人使治四方大有成功此之謂四面也

又曰禹長頸鳥喙面貌亦惡天下從賢之者學也

孫卿子曰衛靈公有臣公孫呂身長七尺面長三尺廣三

寸名動天下

莊子曰孔子謂盜跖曰今將軍身長九尺二寸面目有光

脣如激丹齒如含貝音中鐘聲而名曰盜跖丘竊為將軍

恥之

韓子曰古人目短於自見故以鏡觀面

燕丹子曰田光云脉勇怒而面青骨勇怒而面白荆軻者

神勇也怒而不變

說苑曰吳王將死曰吾以不用子胥言以至於今死者無

知則已死者有知吾何面見子胥也遂蒙絮覆面自刎呂氏春秋

同春秋典論曰表紹妻劉性妬忌紹死其尸未殯殺其妾五人恐

死者有知皆髡髮黑面

中論曰小人恥其面不如子都君子恥其行不如堯舜

譙周法訓曰昔有人使妻為母作粥妻不肯乃以刀擊傷

妻面此可為孝乎

傅子曰相者三亭九候定於一尺之面

語林曰王武子與武帝圍碁孫皓看王曰孫歸命何以好

剥人面皮皓曰見無禮於其君者則剥其皮乃舉碁局武
 子伸脚在局下皓曰見無禮於其君者則剥其皮乃舉碁局武
 又曰劉真長病積時公主毀悴將終喚主主既見其如此
 乃舉手指之云君危篤何以自脩飾劉便牽被覆面背之
 不忍視小人即其面不暇下猶言下似其言不暇觀也
 又曰王右軍見杜弘治歎曰面如凝脂眼如點漆如神仙
 中人杜弘治字季雅
 又曰何晏字平叔美姿容帝疑其傅粉賜湯餅令晏食之
 汗出流面拭之轉白世說
 世說曰康僧淵目深而鼻高王丞相每調之僧淵曰鼻者
 面之山目者面之淵山不高則不靈淵不深則不清
 又曰鍾會撰四本論始畢甚欲使嵇康一見置懷中不敢
 出戶外遙擲面便走

郭子曰琅邪諸葛忘名面病鼠瘦劉真長見歎曰鼠乃復
 窟穴人面乎

異苑曰陳郡謝石字石奴少患面創諸治莫愈乃自匿幽
 遠止於岩下中宵有物來舐其創隨舐隨除既不見形音
 為是龍而舐處悉白故世呼為謝白面世說
 會稽後賢記曰貞女謝仙女者謝承孫也吳歸命侯采仙
 女充後宮仙女乃炙面服醇醢以取黃瘦音得免

黃帝入十一問曰人面獨能寒何也曰頭者諸陽之脉會
 也諸陰脉皆至頸項不還上獨諸陽脉上頭故面能寒耳
 相決曰奇毛生身及面皆豪貴白毫黑毛生共孔帶印綬
 蔡邕女戒曰夫心猶面首也一旦不脩飾則塵垢穢之人
 心不思善則邪惡入之人盛飾其面而莫脩其心惑矣

補文曰目眉手

說文曰眉目上毛也

釋名曰眉媚也益其面而具其小怒矣

毛詩淇澳頌人曰螭首蛾眉螭首額廣而方巧笑倩兮美目盼兮

尚書大傳曰有八眉如八字也淮南子同

大戴禮曰曾子曰敢問不勞可以為明乎孔子愀然揚眉

曰參汝以明主為勞乎昔者舜左禹而右皋陶不下席而

天下治

禮記曰君子乘金而玉為人美眉

左傳定公八年曰公侵齊門于陽州顏息射人中眉顏息魯人

退曰我無勇吾志其目也

穀梁傳曰長狄兄弟三人遞為害斷其首而載之眉見於

軾

戰國策曰豫讓欲報趙襄滅驥去眉吞炭漆身

春秋後語曰呂不韋謂太后曰詐腐刑嫪毐則得給事中

乃令人以腐罪告之拔其鬚眉以為宦者

漢書曰張敞為婦畫眉長安中傳京兆眉撫應劭曰撫大也孟康曰撫

音翻北方人謂好為翻也

東觀漢記曰王莽天鳳五年樊崇起兵於莒恐其眾與莽

兵亂乃皆朱其眉由是號曰赤眉

又曰明德馬后眉不施黛獨左眉角小缺補之以縹

又曰馬援自還京數被進見為人鬚眉目如畫

又曰梁鴻居吳賃舂每歸妻為具食不敢於鴻前仰視舉

案齊眉

鄧粲晉記曰荊州民宗廡嘗以酒犯王平子怒叱左右捧

廡郭舒厲色謂左右曰使君醉汝輩何敢妄動平子大恚

曰別駕狂耶枉言我醉因遣炙舒眉頭舒跪受炙平子意

釋而厥得免
 宋書曰王玄謨在雍人言欲反玄謨馳啓自解帝知其虛
 馳遣主書吳喜公慰撫之曰七十老公反欲何求聊復爲
 笑想足以伸卿眉頭耳玄謨性嚴未曾妄笑時人言玄謨
 眉頭未曾伸故以此見戲
 梁書曰武寧王大威字仁容美風儀眉目如畫
 三國典略曰梁簡文方頰豐下眉目秀發
 隋書曰元暉字叔平河南洛陽人也父智鬚眉如畫進止
 可觀少得美名於京師
 唐書曰毛若虛絳州太平人也眉毛覆於面性殘忍初爲
 蜀川縣尉天寶末爲武功丞年已六十餘矣
 帝王世紀曰文主虎眉
 列仙傳曰陽都女生而連眉衆以爲異

列仙傳曰莫耶子赤鼻眉閒一尺
 烈士傳曰干將子赤鼻眉廣三寸
 荊州先賢傳曰馬良字季常襄陽宜城人兄弟五人皆有
 令名良眉中有白毛鄉里頌曰馬氏五常白眉最良
 吳越春秋曰伍子胥眉閒廣一尺
 韓子曰失鏡無以正鬚眉失道無以知迷惑
 呂氏春秋曰吳闔閭使民習戰劔如眉流血不可止
 淮南子曰今盆水在庭清之終日未能見眉睫濁之不過
 一撓而不能察方圓也察見人神易濁而難清猶盆水之類
 也
 風俗通曰相帝元嘉中京師婦人作愁眉愁眉者細而曲
 折此梁冀家所爲京師皆效之天戒若曰將收捕冀婦女
 憂愁之眉也

君雖終言猶在耳而棄之若何宜子與諸大夫皆患穆嬴

且畏偏畏國人以大乃背先蔑而立靈公以禦秦師也

又曰攝叔曰吾聞致師者右人壘折馘折馘執俘而還皆

待其所聞而復之差為右故苑何忌取其耳不欲

又曰林雍羞為顏鳴右下下車戰也

詩曰君子無易由言耳屬于垣耳屬于垣

又曰匪手攜之言示之事匪面命之言提其耳我非但以

親視以其事之是非我非但手攜挈之

易曰荷校滅耳聰不明也

又曰異而耳目聰明

論語曰六十耳順

穀梁傳曰梁自亡酒淫於色心昏耳塞上無正長之

治大臣背叛

春秋元命苞曰耳者心之候

尚書大傳曰孔子曰自吾得由也惡言不至於耳

史記曰呂太后遂斷戚夫人手足去眼輝耳

又淮陰傳曰韓信使人言於漢王曰齊反覆之國南邊楚

不為假王鎮之其勢不定漢王大怒張良陳平躡漢王足

因附耳語曰寧能禁信之王乎

戰國策曰蘇秦說李兌明日復來舍人謂兌曰臣竊觀蘇

公說也其辯過於君君能聽乎兌曰不能曰君即不能願

君堅塞兩耳無聽其談明日復見終日談而去秦謂舍人

曰昨日我談薄而君動今精而君不動何也舍人曰我為

塞兩耳無聽談也

漢書曰楊惲報孫會宗書曰家本秦也能為秦聲婦趙女

也雅善鼓瑟奴婢歌者數人酒後耳熱仰天拊缶而呼鳥

英雄記曰曹公擒呂布布顧謂劉備曰玄德卿為座上客

我為降虜繩縛我急獨不可一言邪操曰縛虎不得不急

乃命緩布縛備曰不可公不見布事丁建陽董太師乎操

領之布曰備曰人耳兒最叵信巨普人

魏書曰荀攸年七八歲父衢會醉誤傷攸耳而攸出入遊

戲常避護不欲令衢見衢後聞之乃驚其宿智如此

吳錄曰關羽走孫權使虞翻筮之曰必當斷頭傷其耳果

如翻言如翻言

蜀志曰先主長七尺五寸垂臂下膝顧自見其耳

晉書曰王導多疾每自憂陳訓曰耳豎必壽亦大貴

又曰殷仲堪父患耳聞床下蟻動謂是牛鬪

王隱晉書曰張軌為涼州刺史燉音煌曹祛上言軌老病

更請刺史軌治中率數十人皆割耳於盤流血訴枉得停

李蜀書曰武皇帝李雄美容貌相工相之曰此君口如方

器耳如相望位必過三公不疑也

唐書曰汴州節度李忠臣嘗因奏對德宗謂之曰卿耳甚

大貴人也忠臣對曰臣聞驢耳甚大龍耳即小臣耳雖大

乃驢耳也上悅之

老子曰五音令人耳聾

孟子曰伯夷耳不聽惡聲

鶡冠子曰大耳主聽兩豆塞之則上不聞雷霆

淮南子曰禹耳三漏謂是大通與利除害決江疏河

抱朴子曰老子耳長七寸

又曰耳能聞雷霆而不聞蟻蝨之音

呂氏春秋曰雷則掩耳電則掩目耳聞所惡不如無聞目見所惡不如無見

又曰且天生人而使其耳可以聞不學其聞不若聾使其目可以見不學其見不若盲使其口可以言不學其言曲以爽使其心可以知不學其知暗以狂凡學非爲能益也達天性也

說苑曰昔費仲惡來膠革長耳決耳從紂之心武王誅之博物志曰南方落頭民其頭能飛以耳爲翼

瀨鄉記曰老子耳有三門

王子年拾遺記曰沐胥國人左耳中出青龍右耳中出白虎龍虎初出之時如繩綵頰手捋面而龍虎皆飛去地十餘丈而雲氣繞龍風來吹虎俄而以手一揮龍虎皆還入耳

高士傳曰堯聘許由爲九州牧由聞之洗耳於河

列仙傳曰務光夏時人耳長七寸陽都女耳細而長衆皆言此天人也

又曰甯先生毛身廣耳阮丘耳長六七寸

列士傳曰燕使師田光往候荆軻值軻醉唾其耳中軻覺曰此出口入耳之言必大事也即往見光

列女後傳曰劉仲娵妻者沛國栢林之姊也仲娵早亡栢乃引刀割耳宗婦問之栢曰吾自五代以來世知名男以忠孝顯女以貞順稱家以我年少必相嫁故預自裁割以信我心

又曰曹文叔妻譙國夏侯寧之女文叔早亡妻斷髮自誓其家欲嫁之又截兩耳司馬太傅美之乞爲曹氏後

又曰陽華穆妻者下邳劉方之女字桃樹生一男而穆早

亡吳丁謂緝音求之謂知名之士家將許焉桃樹乃操刀割耳其子又亡桃樹乃安身安正動不僇禮僇音長沙耆舊傳曰太尉劉壽少遇相師相師曰耳為天柱今君耳有城郭必興家邦

目

樊氏相法曰耳門不容麥歲至百兼富

釋名曰目默也謂默而內識也眼限也童子限限而出也禮曰目者氣之清明者也

又玉藻曰目容端不睇視也

又曾子曰十目所視十手所指其嚴乎

傳曰宋華父督見孔父之妻于路目逆而送之曰美而艷

又曰富辰曰目不別五色之章為昧

又日子玉使鬪勃請戰曰請與君之士戲君憑軾而觀之

得臣與寓目焉

又曰楚子將以商臣為太子訪諸令尹子上子曰楚國之舉恒在少者且是人也蜂目而豺聲忍人也不可立也

又曰秦伯伐晉取羈馬乃出戰交綏古名退軍為交綏秦晉志未能堅戰兵未

致爭而兩軍退故曰交綏秦行人夜戒晉師曰兩軍之士皆未怒也明

日請相見也怒也史駢曰使者目動而言肆懼我也將遁矣

薄諸河必敗之

又曰宋華元為植巡功植將城者謳曰睥其目瞞其腹弃

甲而復睥出目瞞大腹于思于思弃甲復來于思多

又曰潞子嬰兒之夫人晉景公之姊也鬻之貌酈舒為政而殺之

又傷潞子之目

又曰晉楚將戰晉侯筮之卜史曰吉卦遇復日南國蹇射其元王中厥目及戰射共王中目

又曰叔孫豹會晉士丐于柯盟于督陽荀偃瘳疽生瘍於頭瘳疽濟河及著雍病日出卒而視不可哈日開中宜子惡瘳盥而撫之曰事吳敢不如事主猶視大夫樂懷子曰其為稱主未卒事於齊故也懷子藥乃復撫之曰主苟終所不嗣事也于齊者有如河乃瞑受哈也又曰宋公子地有白馬四公嬖向魍欲之向魍司馬公取而宋其尾躡以與之也地怒使其徒奪之魍懼將走公閉門而泣之目盡腫也又曰公侵齊門于陽州顏息射人中眉退曰我無勇吾志其目也

詩曰美日盼兮巧笑倩兮素以為絢兮

書曰正月元日舜格于文祖詢于四岳闢四門明四目達四聰咨十有二牧曰食哉惟時

易小畜曰輿說輻夫妻反目象曰夫妻反目不能正室也

又說卦曰離為目

春秋演孔圖曰蒼頡四目是謂並明

春秋元命苞曰目肝之使

又曰舜重瞳子是謂慈原上應攝提下應三元

尚書大傳曰舜目四瞳子

論語隱義曰衛蒯聵亂于路興師往有孤黯者當師日子欲入耶曰然黯從城上下麻繩釣子路半城問曰為師耶為君耶曰在君為君在師為師黯因投之折其左股不死黯開城欲殺之子路目如明星之光曜黯不能前謂曰畏子之目願覆之子路以衣袂覆目黯遂殺之

史記曰吳王賜子胥屬鏃之劍以死子胥仰天歎曰嗟乎抉吾眼着吳東門上以觀越寇之入滅吳

又曰趙王與秦王會河池秦王不肯擊缶相如曰五步之內請得以頸血濺大王矣左右欲刃相如相如張目叱之左右皆靡秦王不懌爲一擊缶

又曰越王無疆與中國爭強北伐齊齊威王使人說越王

越王不納齊使者曰幸也越之不亡也吾不貴其用智如目之見毫毛而不自見睫也今王知晉之失計不知越之過是目論也

蜂一長目

又曰漢王詣鴻門謝項羽羽欲殺漢王樊噲帶劍擁戟循入軍門披帷西向而立瞋目視羽鬚髮上指目皆盡裂

又曰項王大呼馳下漢軍皆披靡時赤泉侯爲騎將追項王項王瞋目而叱之人馬俱驚辟易數里

楚漢春秋曰上過陳留酈生求見使者入通公方洗足問何如人曰狀類大儒上曰吾方以天下爲事未暇見大儒也使者出酈生瞋目案劍曰入言高陽酒徒非儒者

漢書曰東方朔上書曰臣朔目若懸珠齒如編貝

東觀漢記曰杜根諫和熹音喜又切鄧后以安帝宜親政事

太后大怒囊盛撲殺之根詐死三日目中生蛆

魏志曰太祖與韓遂馬超等單馬會語左右皆不得從唯

將許褚超負其力陰欲前突太祖素聞褚勇疑從騎是乃

問公有虎侯者安在太祖顧指褚褚瞋目眄之超不敢動

又曰張繡反襲太祖營典韋戰於門中韋乃雙挾兩賊擊

殺之餘賊不敢進復前突殺數人瘡重瞋目大罵而死

又曰夏侯惇音敦從征呂布爲流矢所中傷左目時夏侯淵

與惇俱爲將軍軍中號惇爲盲夏侯

晉書曰王衍嘗因宴集爲族人所怒舉擲其面衍初

無言引王導共載而去然心不能平在車中攬鏡自照謂
爾看吾目光乃在牛背上矣晉書
王隱晉書曰甘卓爲揚威將軍歷陽內史郡人陳訓私語
人曰甘公頭低視仰目中有赤脉當危於兵勿爲將可也
果爲王敦所害晉書
又曰王敦枉害刀協及敦病白日見協乘輶音車從吏騶
詣敦而仰頭瞋目劍於前突入前案問協畏死曰公
鄧粲晉紀阮籍能爲青白眼禮俗士輒以白眼對之嵇喜
康之兄聞籍喪弔焉籍已不哭見其白眼喜不懌而退
蕭子顯齊書曰褚淵有器度不妄舉動宅嘗失火煙燄甚
遍左右驚擾淵神氣怡然索輦來徐去輕薄子頗以名節
譏之淵眼多白睛謂之白虹貫目言爲宋氏亡徵也
崔鴻十六國春秋前秦錄曰苻生驍果麤暴昏酒無賴祖

洪甚惡之生無一目年七歲洪戲之問侍者曰吾聞瞎兒
一淚信乎侍者曰然生怒引佩刀自刺出血曰此亦一淚
也洪大驚

三國典略曰齊韓鳳穆提姿高阿那肱共處衡軸號曰三
貴瞋目張拳有瞰人勢

又曰和士開嘗言曰琅琊王目光弈弈數步射人向者暫
對不覺汗出

又曰周武帝還自東伐初遇疾口不能言臉垂覆目
老子曰五色令人目盲

韓非子曰目見於百步之外而不能見其背

莊子曰溫伯雪子適齊舍於魯仲尼見之不言子路問焉
仲尼曰若夫人者目擊而道存也

又曰孔子見老聃而語仁義老聃曰夫播糠眯目則天地

四方易位矣夫仁義翻然乃憤吾心亂莫大焉

孟子曰伯夷不視惡色

又曰存乎人莫良於眸子眸子不能掩其惡

非目不明其勢難覩也

尸子曰使日在足下則不可以視

又曰舜雨眸子是謂重明

孫卿子曰厭目而視者視一以為兩

燕丹子曰樊於期聞荆軻之言於是自剄頭墮背後兩目不暇

韓子曰田駟欺鄒君君將殺之田駟恐告惠子惠子見鄒

君曰有人見君則睽大叶切其一目奚如君曰我必殺之

惠子曰瞽睽兩目君奚弗殺駟東欺齊侯南欺荆王駟之於人瞽也君奚惡乃弗殺

又曰古人目短於白見故以鑒觀面

又曰刻削之道鼻莫如大目莫如小鼻大可小小不可大

目小可大大不可小舉事亦然

又曰楚莊王子欲伐越莊子曰王之伐越何也王曰政亂

兵弱莊子曰臣患知之如目也能見百步之外而不能自

見其睫王之弱亂非越王之下也而欲伐越此知之如目也淮南子曰夫目察秋毫之末而耳不聞雷霆之音耳調

王石之聲而目不見太山之高何則不小有所志而大有所忘也

孔叢子曰夫子適周見萇弘言終而退萇弘語劉文公曰

吾觀仲尼有聖人之表其狀河目而隆額是黃帝之形貌也

郭子曰劉尹道相温鬚如反蝟毛眼如紫石稜自是孫仲謀一流人也

抱朴子曰眼能察天衢而不能周項領之間

蔣子語曰兩目不相為視昔吳有二人共評王者一人曰

好一人曰醜久之不決二人各曰尔可來入吾目中則好

醜分矣王有定形二人察之有得失非苟相反眼睛異耳

表準正書曰日以見小為明耳以聽大為聰

顧子義訓曰假天下之目以視則四海毫末可見也

山海經曰一臂國為人一目中其面而居括地圖同

太公金匱曰一目視則不明一耳聽則不聰

呂氏春秋曰孟賁過於河先其伍舡人怒以擲燒音其頭

中河孟賁瞋目視船人髮植目烈鬚指指舟人盡惕駭播

入於河使船人知孟賁不敢直視涉無先者又辱之乎此

不知故也

又曰管子縛束於魯鮑叔曰君欲霸王則臣不若管夷吾

相公曰夷吾寡人之賊也射我者也不可鮑叔曰夷吾為

其君射人若得之則彼亦將為君射人君不聽鮑叔固讓

果聽之於是使告魯曰管仲寡人讎也願得而親加手焉

魯許諾乃使吏轄其拳膠其目以革囊其手也盛之以鴟夷置之

車中至齊境相公使人以朝車迎之計賁刺齊

又曰使其目可以見不學其見不若盲

春秋後語曰平原君對趙王曰沔池之會臣察武安君之

為人也小頭而銳瞳子白黑分明小頭而銳斷敢行也瞳

子白黑分明者見事明也意不計於未之

列仙傳曰秦召魏公子無忌不行使朱亥奉璧一雙秦王
大怒將朱亥着虎圈中亥瞋目視虎皆血出濺虎虎終不
敢以視謂曰平頭王曰此之會也謂曰鄭玄別傳曰玄秀眉明目其目不眩
董卓別傳曰卓會公卿召諸降賊飭行責降者曰何不鑿
眼應聲眼皆落地
趙至自敘曰嵇康謂至曰卿頭小銳瞳子白黑分明視瞻
傳諦有白起風於角列仙傳曰偃音槐山人採藥好食松實而目更方
又曰赤谷戎人也為碧雞祠主簿餌丹身及瞳子皆赤
神仙傳曰涉正巴東人入吳常閉目弟子隨之數十年莫
有見開目者有一弟子固請之正為開目音如霹靂光如
電照弟子頓伏良久乃起

竹林七賢傳曰王戎眸子洞徹視日而眼照不虧
世說曰顧長康云其哭相宜武眼如懸河決溜
又曰康僧淵目深而鼻高王丞相每調之僧淵曰鼻者面
之山目者面之淵山不高則不靈淵不深則不清
又曰裴令儁有姿容時人名之為玉人有疾至困武帝使
王夷甫往視之王出語人曰眸子閃閃如巖下電精神挺
動體中故小惡耳
語林曰王右軍見杜弘治歎曰面如凝脂眼如點漆此神
仙中人
談藪曰王肅初歸國謂楊大眼曰在南閩君之名以為眼
如車輪今見乃不異人大眼曰若旗鼓相望瞋眸奮發足
使君亡魂喪膽何必大如車輪
又曰後魏昭成帝嘗擊賊流矢中目賊破執射者至左右

欲剝割之帝曰彼各為主何罪乃釋之

太平御覽卷第三百六十六

[Faded historical text, mostly illegible due to bleed-through]

太平御覽卷第三百六十七

王人事部八

頰 鼻

頰

口

舌

說文曰頰面旁也輔頰也

釋名曰頰夾也而旁稱也亦取挾斂食物也

傳曰宮之奇曰諺所謂輔車相依唇亡齒寒者其虞虢之

謂乎

又曰公侵齊門于陽州士皆坐列顏高奪人弱弓籍丘子

鉏擊之與一人俱斃

易咸卦象曰咸其輔頰舌騰口說也

又走卦曰壯于頄有凶

又曰艮其輔言有序

[Additional text, partially obscured]

史記曰漢王聞魏豹反方東憂楚未必擊謂酈生日緩頰往說魏豹能下之吾以萬戶封若

又曰武帝元鼎六年定越地以為儋耳郡張晏曰儋耳其俗鑊其頰皮上連耳匡分為數支狀若鷄腸

又曰朱博入守左馮翊長陵大姓尚方禁少時嘗盜人妻見斫瘡著其頰博知以他事召見視其面果有瘡博辟左

右問禁是何等瘡禁叩頭服狀博笑曰大丈夫固時有是遂以為耳目

江表傳曰孫策殺吳郡太守許貢貢奴客潛民間欲報讎策出獵卒遇三人即貢客也射策中頰後騎尋至皆刺殺之

王隱晉書曰大駕北伐成都王穎統王師於蕩陰敗績上傷頰失六璽左右奔走

三國典略曰梁謝朓仁聞侯景奔乃自東陽率眾候之至錢塘問趙伯超曰公得何消息而閉門見拒伯超曰汝頰邊頰有耳否侯王已死遠近悉平君將此兵欲向何處朓仁曰審如公言死無所恨

淮南子曰厭醜音父在頰則好在顏則醜

王子年拾遺錄曰孫和月下舞水精如意悞傷鄧夫人頰血流婉轉弥苦及差而左頰有赤點如誌迫而視之更益其妍也諸嬖欲寵者皆以丹脂點頰而後進幸

唐子曰人多遠見百步而不自知眉頰

蔣濟萬機論曰許子將褒貶不平以拔樊子昭而抑許文休劉曄曰子昭發自賈豎年至耳順退能守靜進能不苟濟荅曰子昭誠自長幼完潔然觀其搖牙樹頰自非文休敵也

世說曰邳公遭永嘉喪亂窮餒鄉人共餉之公嘗攜兒子外生周翼二小兒往食鄉人曰各自窮餒以君之賢共存君耳恐不能兼餉公於是獨往食輒含飯著兩頰還吐與二小兒後並得存過江公亡翼時為剡縣解職歸席苦於公靈牀頭心喪三年

其世世謂之鼻

其世世謂之鼻

釋名曰鼻嚙也出氣嚙嚙也

其世世謂之鼻

公羊傳僖公曰邾婁人執郈子用之社蓋叩其鼻以血社也

孝經援神契曰伏羲山準禹虎鼻

史記范雎傳曰蔡澤遊學于諸侯小大甚衆而不遇從唐舉相舉熟視而笑曰先生曷鼻巨肩顴顏蹙膝攀吾聞聖人不相殆先生乎

戰國策曰蘇子南使齊謂齊王曰臣聞當世之主必誅暴正亂今宋王射天笞地鑄諸侯之像使侍屏匱展其臂彈其鼻此天下無道而王弗伐王名終不成矣

魏志曰管輅舉秀才何晏請曰試爲我作一卦知位當至三公否又連夢青蠅數十來集鼻上驅之不去輅曰鼻者天中之山高而不危所以長守貴也今青蠅鼻惡而集之位峻者亡願君侯上追文王六爻之旨下思尼父豕象之義然後三公可決青蠅可驅

晉書曰謝安石本能爲洛下書生詠有鼻疾故其音濁名流愛其詠而不能及或掩鼻以敷之

又曰王澄在荊州叱左右棒土人宗廡別駕郭舒勵色謂左右曰使君過醉汝輩何敢妄動澄恚遣指其鼻炙其眉崔鴻十六國春秋後趙錄曰王謨字思賢喪鼻言不清暢

屈短無威儀將拜曲陽令勒疑之間長史張賓賓曰請試
 可不勒從之由是政教嚴明百城尤最出為都部從事守
 宰去官者十五人
 唐書曰薛舉每破陣所獲士卒皆殺之殺人多斷舌割鼻
 莊子曰郢人堊墁於鼻端若蠅翼使斲之匠石運斤成風
 聖盡而鼻不傷
 列子曰夏禹蛇身人面牛首虎鼻而有六聖之德
 孟子曰西子蒙不潔則人皆掩鼻而過之
 韓子曰魏王遺楚美女楚王悅之夫人鄭袖謂新人曰王
 甚愛子然惡子鼻見王常掩鼻則王長幸子於是新人從
 之王謂夫人曰新人見寡人常掩鼻何對曰言惡聞王口
 鼻王怒甚因劓之
 淮南子曰東方人隆鼻

山海經曰一臂國人一鼻孔
 論衡曰鼻不知鼻為鼻人不知是非為閉鸕鳥
 又曰蘇秦骨鼻為六國相
 太玄經曰割鼻飴口喪其息主
 烈士傳曰于將子赤鼻
 列女傳曰梁高行者梁之寡婦榮於色敏於行早寡不嫁
 梁貴人爭欲取之不能得梁王聞使娉焉乃授鏡操刀以
 割鼻曰妾所以不死者不忍幼嗣之重孤也刑餘之人殆
 可釋矣王高其節敬其身號曰梁高行
 又曰沛國孫去病妻同郡戴元世女夫死母欲嫁之操刀
 割鼻刀鈍不入趨於石上礪之鼻然後斷郡表其閭
 又曰梁郡夏文珪妻沛國劉景賓女亦割鼻自誓不嫁
 列女後傳曰吳孫奇妻者廣陵范慎女名姬十八配奇奇

亡慎以姬少寡無子遲還其家姬不肯迎者以父命迫之
姬遂操刀割鼻其妻前則隨其意女亦隨其意不嫁
三輔故事曰衛太子嶽鼻太子來省疾至甘泉宮江充告
太子勿入陛下有詔惡太子鼻嶽尚以紙蔽其鼻充語武
帝曰太子不欲聞陛下臆鼻故蔽鼻武帝怒太子太子走
還鼻曰妾則以不取沐不怒也國之重也其意不
崔寔政論曰秦割六國之君剽殺其民於是赭衣塞路有
鼻者醜故百姓鳥驚獸駭不知所歸命其意不
王湛別傳曰王處冲身長八尺龍頰大鼻

世說曰初謝安在東山居布衣時兄弟有富貴者劉夫人
戲謂安曰大丈夫不當如此謝乃捉鼻曰但恐不免耳
又曰石崇造厠令婢以盤擎棗與厠人塞鼻
又曰康僧淵目深而鼻高王丞每嘲之僧淵曰鼻者面之

山山不高則不靈

談數曰宋廢帝嘗入武帝廟指其畫像曰此渠大好色不
擇尊卑顧謂左右渠大臙鼻如何不臙即令畫工臙
又曰齊世祖之征潁川也有皇甫王淵者善相人見其容
止竊議曰此不作大物會是垂涕洟者謂太原公洋也
崔玄瀨鄉記曰老子鼻雙柱
養生經曰鼻者心之門

頰鼻莖也

頰鳥葛切

說文曰頰鼻莖也頰鳥葛切
釋名曰頰鞍也偃折如鞍也頰鳥葛切
史記曰唐舉謂蔡澤曰先生臙顏蹙鬚殆不相乎
後漢書曰周燮字伯彥初生頰頤折頰醜甚母欲棄之其
父不聽曰吾聞賢聖多有異與我宗者乃此於是寶之頰五

檢不離曰吾聞之聖人莫不宗之此故其言之說
吳書曰諸葛恪字元遜瑾長子少知名少驥白眉折頰廣
頰曰

莊子曰鬻髓深頰蹙頰曰豈能捨南面王樂而為人生哉
呂氏書秋曰文王好食昌菹孔子蹙頰而食之
楊雄解嘲曰蔡澤山東匹夫也顛頤折頰涕唾流沫

說文曰口者人之所以言食

釋名曰口空也

禮曰曾子謂子思曰彼吾執親之喪也水漿不入於口者
七日

又曰晉人謂趙文子知人文子其中退然如不勝衣也退
和柔貌其言訥訥然如不出諸其口
訥訥舒小貌音如悅切

又玉藻曰口容止
不妄動也

又曰少儀曰燕侍食於君子數噍毋為口容
口容弄口噍才笑切

又緇衣曰小人溺於水君子溺於口口費而煩易出難悔
易以溺人
言口多空言且煩數也過言一出駟馬不能及不可得悔也口舌所覆亦如溺也

傳曰鄭伯使許大夫百里奉許叔以居許東偏曰寡人有
弟不能和協而使糊其口於四方其况能久有許乎

又曰口不道忠信之言為囁

又曰子玉使伯棼請戰曰非敢必有功也願以閒執讒慝
之口

又曰晏子曰君民者豈以陵民社稷是主臣君者豈為口
實社稷是養
言君不徒居民上臣不徒求祿皆為社稷

又曰正考父佐戴武宣三命滋益恭故其鼎銘云一命而

僕再命而偃三命而俯體於是粥於是以糊余口

又曰費無極言於楚子曰建與伍奢將以方城之外叛王

執伍奢使城父司馬奮陽殺太子未至而使遣之知太子

去太子建奔宋王召奮陽奮陽使城父人執己以至王曰

言出於余口入於爾耳謂告建也

詩正月日好言自口莠言自口莠醜也

又十月之交日無罪無辜讒口囁囁

書序曰濟南伏生年過九十失其本經口以傳授

又曰大禹謨曰惟口出好興戎朕言不再好謂賞善戎謂

之主虛而宜之成於一也

又盤庚上曰相時儉民猶胥顧于箴言其發有逸口言儉

人尚相顧於箴悔之言恐君其發動有過口之患也

又說命曰惟口起羞

易說卦曰允為口

論語公治長曰或曰雍也仁而不佞子曰禦人以口給屢

憎於人

又陽貨曰惡利口之覆邦家者

公羊傳曰公子翬諂于隱公謂隱公曰百姓安子諸侯說

子盍終為君矣隱公曰否使脩菟裘吾將老焉公子翬恐

若其言聞于相於是謂相公曰吾為子口隱矣

孝經援神契曰舜大口

又曰孔子海口言若含澤

論語摘輔像曰子貢斗星繞口南容升

又曰太公大口鼻有伏藏

史記曰周厲王得衛巫使監謗者以告則殺之其謗鮮矣

王喜告召公吾能弭謗矣召公曰是障之也防民之口甚

於防水水壅而潰傷人必多民亦如之民之有口也猶土之有山川也財用於是有出猶其有原隰衍沃也衣食於是乎生口之宣言也善敗於是乎興行善而備敗所以產財用衣食者也夫民慮之於心而宣之於口成而行之若壅其口其與能幾何王不聽於是國人莫敢出言

又曰李相子受齊女樂三日不聽政又不致膳俎於大夫音孔子遂行而師已送曰夫子則非罪孔子曰吾歌可夫歌曰彼婦之口可以出走彼婦之謁可以死敗言婦人謁足以憂使人死敗故可以出走也

又曰鄧公曰吳王為反數十年矣發怒於削地以誅晁錯為名其意非在錯也且恐天下之士噤口不敢復言漢書曰漢王擊魏豹謂酈食其曰魏大將者其人為誰曰柏直也漢王曰是口尚乳鼻

又曰高祖欲廢太子周昌諫曰臣口不能言心知不可

又曰良藥苦口利於病

又曰張蒼免相後口無齒食乳女子為乳母

又曰條侯周亞夫相從理入口法餓死

又曰楊雄口吃不能劇談

又曰王莽為人哆口哆唱者切

東觀漢記曰光武為人日角大口美須眉

又曰明德馬后身長七尺三寸青白色方口美髮

後漢書曰馬援在交阯還書戒兄子曰龍伯高敦厚周慎口無擇言謙約節儉廉公有威吾愛之重之

應劭漢官儀曰侍中乃存年老口臭帝賜以雞舌香令含之

江表傳曰孫堅為下邳丞時孫權生而方頤大口目有精

光堅異之以為貴象

燕書曰申弼烈祖嘗從容問諸侍臣曰夫口以下動乃能制物鉄鑽為用亦噬嗑之意而從上下何也弼荅曰口之下動上使下也鉄鑽之用上斬下也烈祖稱善

南史曰謝朓出為吳興郡守與弟淪於征虜渚送別朓指淪口曰此中唯宜飲酒

唐書曰郝劼俊孫象賢垂拱中坐事伏法臨刑言多不順自此法司每將殺人也必先以木丸塞口

又曰杜黃裳性雅澹寬恕心雖從長口不忤物老子曰五味令人口爽

管子曰相公與管仲謀伐莒未發已聞於國東郭郵至公問之曰子言伐莒乎東郭曰君子善謀小人善意臣視二君在堂上口開不合言莒也

莊子曰公孫龍口呿而不合舌舉不下

鬼谷子曰口者機關也所以開閉情意也

又曰口可以食不可以言

周生烈子曰口者言之門

河圖曰秦始皇虎口日角

陸賈新語曰眾口所毀浮石沉木羣邪相抑以曲為直說苑曰口者關也舌者機也出言不審駟馬不能追也

吳越春秋曰越王勾踐入臣於吳吳王病大便大宰嚭奉溲惡以出勾踐嘗之後病口鼻范蠡令左右食芩草以亂其氣

曹瞞別傳曰操遨遊無度其叔數語其父操後行逢叔於道陽敗面噉口云中暴風叔告其父父呼見之操面如故從此叔言不復入信操益得縱恣噉口不正也

杜如體論曰東脩之業其上在於不言

諺曰口如鼻至老不失

傅子曰擬金人銘作口銘云神以感通心由口宣福生有兆禍來有端情莫多妄口莫多言蟻孔潰河溜穴傾山病從口入禍從口出存亡之機開闔之術口與心謀安危之源樞機之發榮辱存焉

王子年拾遺記曰昔伯禹入穴乃至一室裏一人身如蛇鱗於石上口吐一玉簡以受禹簡長十二寸以量度天地又曰始皇二年籌消國獻善畫工者名烈裔口含丹墨噴壁即成龍雲之隊

又曰沐胥國人年九萬歲以口噴水為雨紛漫數十里俄而口吹為風而雨皆止

瀨鄉記李母碑曰老子方口

養生經曰軍營之中有甘泉注云軍營口也甘泉唾也

又曰口為華池

相書曰大容手赤如丹貴壽

又曰欲知人多舌當視其口如鳥喙言語皆聚此多舌人也

談藪曰梁高祖重陳郡謝玄暉詩常曰不讀謝詩三日覺口鼻

舌

釋名曰舌洩也舒洩所當言也

詩雨無正曰哀哉不能言匪舌是出維躬是悴

又瞻印曰婦有長舌維厲之階

又抑曰莫捫朕舌言不可逝矣

論語顏淵曰子貢曰惜乎夫子之說君子也馴不及舌

春秋元命苞曰舌之爲言達也陽立於三故舌在口中者長三寸象斗玉衡陰合有四故舌淪入啞音益內者長四寸

宋均曰玉衡三星也魁四星也

孝經鉤命決曰仲尼舌理七重陳機授度

史記曰平原君既已定從而歸至於趙曰今毛生以三寸

之舌強於百萬之師

又曰留侯曰今以三寸之舌爲帝者師封萬戶位列侯此

布衣之極於良足也

又曰張儀常從楚相飲已而失璧門下意儀盜璧共執掠

笞數百不服釋之其妻曰嘻子無讀書遊說安得此辱乎

儀張口謂其妻曰視吾舌尚在否妻曰君舌在也儀曰足

矣

又曰郭解任俠有儒生侍使者坐客譽郭解生日郭解專

以姦犯法公何謂賢解客聞之殺此生斷其舌

漢書曰蒯通謂韓信曰酈生一士伏軾掉三寸舌下齊七

十城

又曰東海公賓就斬王莽首傳詣更始懸於宛市百姓共

提擊之或切食其舌

後漢書曰馬援與隗囂將楊廣書曰豈有知其無成而但

萎腭咋舌又手從族乎萎腭軟弱也萎音於罪切腭音乃罪切

張璠漢記曰董卓於衆坐生斬人手足又鑿目截舌口百

姓嗷嗷道路以目

英雄記曰曹操與劉備密言備泄於表紹紹知操有圖國

之意操自咋其舌流血以失言誠後世

魏末傳曰諸葛誕殺樂綝有典農都尉數讒誕於是收而

斬之罵曰鄉坐舌先使人以竹攪其舌然後殺之攪音攪又楚金

切刺之也

晉中興書曰溫嶠密啓肅祖陳王敦作難敦聞曰果爲小物所欺乃募有能生得嶠者吾當手拔其舌

晉書曰鳩摩羅什年七歲出家日誦千偈後死姚興依外國法焚屍薪滅形碎唯舌不爛

況約宋書曰南郡王義宣生而舌短言澁

唐書曰波斯國俗法有罪者火燒鐵灼其舌瘡白者爲理瘡黑者爲有罪

燕丹子曰荆軻見燕太子曰田先生今無恙乎軻曰光送軻之時言太子戒以國事恥以丈夫而不見信向軻吞舌而死

郭子曰殷仲堪云三日不讀道德論便覺舌本閒強

山海經曰反舌國其人反舌一日支舌

說苑曰相公飲管仲酒棄其半公問其故對曰臣聞酒入者舌出舌出者身棄臣謂棄身不如棄酒

又曰韓子問叔向曰剛與柔孰堅叔向曰臣年八十齒再落而舌尚存是知剛不如柔也

揚子法言曰五常者帝王之筆舌寧有書不出筆言不由舌也

搜神記曰永嘉中有天竺胡人能斷舌先吐舌示賓客然後乃截血流覆地乃取置器中傳以示人取舌還合有頃如故

桂陽先賢傳曰宋陽陵字遂文果而好義郡長汲府君爲州所章陵被掠考慘加五毒陵乃截舌以着盤中獻之廷尉羣公咸共議之事得清理

又曰臨武程相少有才藝爲九江主記掾府君爲人所章

